

湖北府縣志輯

中華書局影印

道光安陸縣志
安陸縣志續編



重修安陸縣志跋

古稱三不朽一在立言言莫尊於經莫備於史志與史實相表裏非三長夙具者未易操觚也辛亥秋余出宰安陸李生慈澤謹奉其先廉訪碧山公所纂邑志來謁詢厥端未始悉先生遠

安陸縣志卷首 張跋

摛沈志之遺近撮蔣李二君之要廣集眾長折衷一當以成是書乃甫付剞劂而遽赴道山其封君巽菴太翁實歲陳事余泣即也晚未獲親公之言論手采以爲政教資及讀是書歎其博稽載籍綜覈往事擇焉精語焉

詳允合春秋謹嚴之例是公考

古之確也又嘗循行疆野以察民間利病覺風土之醜厚山川之形勝與夫天時地氣之占應按諸志而若合符節也蓋公之徵諸今者其言明且清也又如此然則公雖往矣而是編之宏

安陸縣志卷首 張跋

綱鉅目覓我良多去年五月生以余案牘稍暇乞爲文以弁卷首方執筆而適以軍事奉檄倉猝去今年春權襄陽篆生郵書索稿竊念安州故人文淵藪自漢唐以來名賢碩儒班班可攷逮我

中國地方志集成

湖北府縣志輯 ⑬

安
陸
縣
志
補

道
光
安
陸
縣
志

江蘇古籍出版社 ● 上海書店 ● 巴蜀書社

朝掇甲科歷仕宦者代不乏人凡有著述皆炳炳在人耳目而是書則尤稟經作則與史爲體足以震古鑠今爲一邑二百年來文獻之徵者所關實鉅公之立言其不朽矣抑又喜生之惓惓手澤將由公之文章以求

安陸縣志

卷首

三

公之經濟異日服古九宮所爲媲美於前人者胥於是矣在卽巽菴太封翁猶且拭目俟之生其勉乎哉咸豐癸丑五月旣望

欽賜

花翎補用同知署襄陽縣事安陸縣知縣道光乙酉拔貢壬辰舉人永綏張開霽曉峯氏謹跋

重修安陸縣志叙

志與史一也作者三長備擅自古難言况職司迭更數手意見各歧蒐討務廣博必失之繁採訪憑傳聞未免於俚此而欲訂定一編俾信今而傳後則尤非

安陸縣志

卷首

一

具過人之才學識者不足以任其事而觀厥成安陸縣志之殘闕久矣自康熙中沈茶庵遺有殘本踵而修者蔣蔣村參軍李遠山博士遠拾旁搜厥功亦偉然皆以有故未能卒業會邑紳

李公碧山山西秦觀察歸林下
慨然於志乘之修非異人任欲
纂定付梓而病舊稿尙未完善
時守安州者爲周景垣前輩百
廢具舉政通人和又其學問淵
邃碧山藉以共相考訂而志乃
得付諸剞劂焉余自癸卯之秋
恭膺

安陸縣志

卷首

二

簡命

視學楚北歲試各屬例首德安
安陸係附郡首邑其士多英秀
閱其試藝亦頗循循有規矩竊
謂非賢守令之栽培與鄉先達

之表率不至此今春科試值梓
務告竣下車後亟取而閱之乃
知二公之嘉惠邑人卽此已足
爲振興文教之資夫使任舊志
散佚置不圖修修而不悉心釐
正王喬臆履左慈羊鳴譏將不
免茲則質而非疏詳而得體繼
乎前而功不虛垂諸後而治有
賴披閱之餘令人想見其才學
識之卓絕一時爲能相與以有
成也抑又聞之安州士民純秀
鄒魯同風江漢間素稱易治自

安陸縣志

卷首

三

今以往從政者得按籍而稽以
敷善俗宜民之化行見人才輩
出必有與許郝宋鄭諸賢後先
濟美者安邑之幸亦全楚之光
其不虛使者之厚望也夫

賜進士出身

安陸縣志

卷首

四

欽命翰林院編修 武英殿纂修提

督湖北全省學政加三級紀錄

十次王履謙謹撰

重修安陸縣志序

己亥之夏運出守安州甫下車即索閱郡志僉應之
曰志之散佚不存殆百年於茲矣繼詢所屬州志縣
志應亦如之運竊以郡志者省志之所資屬州縣志
者郡志之所藉昔朱紫陽典郡南康先求志書誠重
之也茲百年以內前無徵後無紀如來者何於是
有修輯府志之意欲修府志必從五州縣志始而安陸
附郭首邑尤與府志相為表裏者也不先有以輯之
烏乎可爰與各牧令暨都人士申明前議咸以謂然
顧其事既非倉卒能辦守其土者又往往多所遷移

安陸縣志

卷一

周序

一

有志竟成殊難操券是年冬運權篆襄陽庚子六月
仄代回任聞安邑李碧山觀察雲邑程玉農廉訪各
有肩修邑志之願運深感兩先生之能知所重也既
而玉農先生以所輯雲夢縣志略馳函商訂運亟為
序而刊之癸卯春碧山先生語運曰安陸縣志前參
軍蔣村輯有彙本以去任故未能卒業曾走帶得
之現擬加之增損校定成書運稱善者再適梅小素
大令以繕部主政改官是邑留心文獻敦勸纂修遂
設局從事網羅舊失補綴新聞五閱月而脫彙授運
稿之

而後行其志次則簡而能賅運以爲具茲數美可以傳
矣先生屬運爲序會有監試秋闈之行比撤棘言旋
而先生一病不起遂返道山甲辰春尊甫巽庵太翁
始加梓焉運惟邦國之志掌於小史志卽史也史有
三長非才無以行其筆削非學無以擴其見聞非識
無以別其去取是編附聖立言稟經作則其才其學
其識有目者當能辨之至其購以重幣鐫以獨賞微
先生之實心厚力不及此以此繼往開來俾官斯土
者得按其圖籍覽其山川攷其風土人情以施政教
厥功甚偉且他日增修府志徵引採擇壹是有所據

安陸縣志

卷一

周序

二

依又豈邑乘之光已哉抑運竊有感者曩與先生晤
對頤園雅意虛懷殷懃商確詎意言猶在耳而修文
召速竟絕筆於獲麟運今日之文不適以增惆悵乎
然而先生之志以成先生之靈以慰矣運嘗聞樊綽
撰雲南志洪遵撰東陽志臨安志作於周淙涇川志
作於王栒心嚮往之行將集三州邑志之未成者以
成郡志是運之願也亦運之責也其敢不勉旃是爲
序

賜進士出身

誥授中憲大夫前翰林院庶吉士知湖北德安府事軍功

一等

賞戴花翎卽用道靈川周啟運景垣氏謹撰

安陸縣志

卷一

周序

三

重修安陸縣志序

將為補闕拾遺且諒於殘編之後則必徵文獻窮山川考古據今成補人力乃可以有為也然而求探源討本之實咸無得焉其新摭其舊括其全昔之所難今於是乎在矣陸華人文之藪其始志乘者麗郡為書其後乃有沈會霖之作因陋就簡拔蔓為蕃兵燹之所餘野語之所述茂樹落木嘉葩萎卉亂雜而爭植更百餘年再殘失矣錢培蔣蔣邨來參德安軍志其事始擷其要索其隱風之淳如人之炳如形勝故事之林如旣羅旣澤討据帙出然擇焉不精語焉

安陸縣志

卷一

梅序

不詳故未有以役梨棗也蔣邨去邑博士李遠山踵而為之綱目分類美惡辨位役掌故以求其核探胸臆以致其斷或莠或取或否或許括才學識正史是與幾成帙而以嘉魚校官行故未獲卒業於董帷之內去年余謁選得安陸令故事令下車吏有以邑乘進者備采訪也一卷半蝕魚豕勢如思所以釐定之他日謁 景垣觀察以脩志告 觀察曰此素志也得其人而可其與碧山謀出以語碧山碧山曰蔣邨之原本遠山之續纂予已得之矣邑事余邑人其曷敢以不文辭也碧山乃取兩家之言匯歸一是蕪者

損之佚者益之摘藻為華尋根為實凡其編類無不萃精合美盡斟酌於筆削之下閉取裁於會霖舊志並三善為一書成若干卷半年而事蒞梓人功半而碧山以修文赴召矣明年其封翁巽安先生促工鐫成告序於予予惟此志之成如髮引鈞屢墜屢續豈真有文字之点存乎其閒耶碧山往矣後之覽者感斯文之所由成碧山猶不死也爰紀其本末如左以質遠山未知以爲然乎否也

賜進士出身

勅授承德郎前工部營繕司主事知德安府安陸縣事南

安陸縣志

卷一

梅序

城梅體萱歡庭氏序

安陸縣志序

安陸故有志踵而修因也非創志也蓋古有志多不備且不確雖踵而修因也實創也一抵修志之難有二一曰考古一曰徵今考古之難有二窮鄉僻壤購書為難有其書矣而又以考訂為難徵今之難亦有一二事實久遠日就湮沒則蒐輯難而稿項黃馘窮檐嫠婦又惛迷晦而不彰則采訪難且今之修志者秉筆類延達宦尅期告竣以倉遽就事之人迫之以時日之促加以以考古徵今之難求其書之無佚無冗盡善盡美則難之又難矣蔣明府蔣邨先生杭州

安陸縣志卷一

李序

一

名下也以慈溪廣文來官德安參軍莅任之始睹吾邑志乘缺略慨然以修葺為己任其學既博而才職又閒而又不憚於討論而又受之以虛心寬之以歲月故其書有條有理其詳核視舊志不翅十倍建由孝感贊府擢廣濟令去其時書甫削稿擬付剞劂而未果今宗異庵封翁將捐金開雕以予與蔣君交最久從事於斯役者有年促予成其書適邑侯梅小素先生下車伊始興廢舉墜樂觀厥成而促益急予不敏謹取其稿之闕者補之不完者續之繁者刪之謬者訂之釐為三十卷以終前古之業而成其美雖然

蔣君之書以創為因而又詳且核予迺不揣蒞陋妄為補葺其不貽以羊續貂之謂於蔣君者幾何也是役也創始於嘉慶二十三年歲事於道光二十三年始基其事者蔣邨明府與吳笑士上舍之力居多卒贊其成者小素邑侯與宗康侯觀察之力居多予幸始終與其盛故特述其顛末如此云

道光二十三年歲次癸卯秋七月邑人李道平撰

安陸縣志

卷一

李序

二

纂脩安陸縣志序

吾縣安陸之名始見於漢而志乘之可考者斷自前明正統間繼而成化正德隆慶時皆有續述萬厯己卯陳心叔先生又脩之然皆麗郡爲書至

安陸縣志

卷首

李序

一

國朝康熙丙午始有沈茶庵先生之縣志焉茶庵名會霖邑人也當戎馬蹂躪之餘任徵文考獻之事而簡編灰燼耆舊晨星故其書多訛舛錫少時繙閱殘本謬思有以補正而未逮會錢

塘蔣蔣村先生以慈谿司訓來

官德安經歷嘗縮吾邑篆慨然以修志爲任乃屬稿未竟而有孝感分縣之調維時錫亦有南安之行蒙以邛城餞別圖爲贈且賦詩見意許攜稿卒業於還

安陸縣志

卷首

李序

二

越甲午冬錫假旋里門聞蔣君權知廣濟以事去任亟走幣請其稿以還屬同年李姻丈遠山輟次之錫尙未寓目也不意駑劣不材由關中鐫職歸里今年癸卯李君又之嘉魚校官任遂

歸稿於錫錫披覽一再始知蔣君處郡之日不憚跋涉一水一山必窮其源委而分其脈絡故其志山川也考證明確縷晰條分令人有臥游之樂惟於星野田賦名宦人物間爲衆說所亂

安陸縣志

卷首

李序

三

鮮京折衷且訖墨在甲午以前官所選舉續出不備適工部主政閉城梅小素先生改官安陸下車殷念城垣邑志以告於錫夫脩志素志也謀此者已久今邑父母雅慮觀成錫曷敢以

一行作吏遂廢操觚耶迺發藏書借舊友分類考閱徵引必求根據討論悉酌古今芟其繁蕪補其闕略每一卷出先呈於

郡伯周景垣先生暨梅邑侯而後定凡夫天時地利人事纖

安陸縣志

卷首

李序

四

細畢具編卷四十再踰時而蕲事眎昔之殘闕譌舛或不爲無功錫於此竊有感焉溯沈志成編以後閱百年無議其事者誠難之也迨蔣君之稿出十年於茲依然汗青無日茫茫墜緒人

脩志姓名

主脩

翰林院編修 武英殿纂修提督湖北全省學政王履謙

鑒定

即用 道德安府知府周啟選

安陸縣知縣梅體亞

參閱

安陸縣學教諭童堃

教諭銜安陸縣學訓導桂常青

原纂

安陸縣志卷首 脩志姓名 一

原任 廣濟縣知縣蔣炯

復纂

嘉魚縣學教諭李道平

監修兼捐刻

中憲 大 夫李承壘

纂修

原任陝西全省督糧分巡西乾鄜道李廷錫

分修兼編次

候選 訓導楊存煥

貢 生陸兆瓚

廩膳 生孔廣新

增廣 生李維駒

廩膳 生程雲鴻

監 生李塾仁

候選 訓導李廷鈺

校字兼采訪

廩膳 生徐麟

附郡學 生李藻

附學 生李喬雲

附學 生李塾學

安陸縣志卷首 脩志姓名 二

監 生李廷鈞

附學 生李廷鑄

繪圖 生李廷鑄

試用 訓導寇溥

檢查文卷

府禮房 書吏胡明昶

增 貢 生陸兆瓚

舊序

提督湖廣通省學政按察司僉事李可汧序曰今

天子修明文治昭示憲章石渠虎觀珥筆彬彬至勝國記述皆上厯

宸衷旁搜掌故蔚稱盛事矣予以非材膺視學三楚之

命懷倚相之遺風弔靈均之故蹟方將網羅放失博諮謠

俗以應

國家徵文考獻至意乃下車匝月而德安安陸郡縣志

適成邑令上谷高君條刺以進慨自楚地迭罹兵燹

方隅故實漫漶失傳幸諸君子興廢舉墜考義就班

安陸縣志

卷一

李序

余得拱手蒙成廁名簡端凡賢守令任事之勇與鄉

先生選言之精持鑒之當諸君子亦既序之詳矣抑

余猶有進焉者志之美非徒文焉而已為夫勸懲法

戒於是焉寓也考郎土風前賢稱為淳厚彷彿鄒魯

今其風尚有存焉者乎為吏者能盡若子文之庇民

而無勤民以自封乎凡民有四士其望也士之所貴

在於明道誠身希法聖賢江漢先生之學有傳之者

否與子亦有言夫孝德之本也府署之左黃文疆之

墓猶在乎扇枕温被之事天下兒童能道之聞風而

起者將無羨其文學忘其本行乎

也後之志志今也自三代以迄元明其志之不可以

數計即宦於鄖者亦不可以數計而名豈是也

可稱者僅若而人繼自今邑之上下無不激而自立

俾儻瑰璋以自表見於天下後有作者名字無不

倍往昔何至歎古今之不相及哉况由一邑以及一

郡田一郡以及全楚披圖按牒因勸而知懲因法而

知戒崛起奮興期各進於前賢之林則三古之風可

再見於南服將以是編為先資焉他日上之史館以

備考鏡其仰禎

聖朝聲教不淺是則余所深取而樂觀其成者也

安陸縣志

卷一

李序

舊序

知府高翀序郡邑之有志猶列國之有史也誌其山川人物賢奸淑慝亦猶紀時書地善善惡惡勸懲之道也維桑與梓必恭敬止君子離故國登高望遠念父母之墟愴焉傷懷雖魂夢猶將戀之情深鄉國無賢愚一也有情深於其鄉則必思去薄歸厚化其不善以從於善夫去薄歸厚化其不善以從於善此司風教之任長吏之責也長吏之事君子恥近之謂其濡跡而召毀然有可以興善黜惡又不忍於長吏之所不逮則惟修志之舉必珥筆受事蓋其事近於摩

安陸縣志

卷一

高序

世勸俗而其文類乎大書特書勸懲之道存焉耳雖然世有博如屈宋之才而又凜然南董之筆則兼之為難故不難於志而難於其人以今觀時沛沈先生之修郡志蓋真其人歟先生之書原本山川極命草木事無隱而不彰善雖微而必錄蓋先生以英雄才子之心約歸於聖賢忠恕之旨故其成書有勇智而其範俗有機略書成而人讀之無不快則賢者悅而不肖者奮鄭之父老子弟勉毋為沈先生所筆古如毋為太邱彥方所知勉智先生情深之效也予不敏抱郡疆八年不調不敢東方之慢世庶幾

漆園之夢櫟郎人既安拙者而拙者復與郎人相安又幸先生探蹟索隱發微闡幽深裨乎風教所未備異日杖藜於父母之里柴車既倦倚吟庭柯慨念往事手德志一編耶子山川人物慙慙在目讀先生之書樂於居千石之官也康熙丙午秋杪題於府署思補堂

安陸縣志

卷一

高序

二

舊序

同知吳紳序安陸漢縣也名相沿最古然舊未有志以治在郡城故其川原人物恒麗郡志以傳兵火以還郡志放失而邑之文獻闕如矣郡伯高公毅然欲修舉之會臺司諸憲畱心邦教查修楚志因屬其事於邑令高君敦禮茶庵沈先生而載筆焉茶庵龍象人物蚪蚪文章垂意維桑慷慨受託詳探博討遙輯旁糾不數月而脫稿高君訂訛補逸刪繁增略徵材鳩梓殫精胼手不數月而成書題曰德安安陸郡縣志以予泰貳邦政例得與聞而屬序其首簡予受而

安陸縣志

卷一

吳序

讀之作而曰媿哉志乎民風吏事觀往察來燦然備矣而作者於此顧有數難夫郡志恒略邑志恒詳安陸之爲邑麗於郡者也邑麗於郡則郡之事麗於邑矣於是志邑者太詳則有侵官軼局之嫌太略則有舉鶻遺馳之請其難一刪潤者易就而開先則難工言創之不知因也乃以今日爲古始自我作無所憲章鑽燧不始風聲而專言物始其難二晉書授簡各有專官其始也漢書年載茲乃經始告竣曾不踰時討論以爲編錄一手其難三鼎革之際文物蕩然至有子孫傳聞而欲求掌故之較若列眉

詎可得耶竟殷亡諸祀宋禮樂委於榛莽故老遺人之默記事悲隱桓魯宮汲冢之殘篇文同亥豕其難四以觀於今志一何彬彬也殫心綜覈鏡意蒐銓困苦損益有關於民瘼者必書孝義忠貞有裨於民教者必錄凡人物之盛衰習俗之淳駁山川之險易幽微風氣之燥溼剛柔戶口城衛賦役兵刑之消長堅瑕繁簡得失莫不考列精審裁制宏通綱舉目張星分川布微遠古則委曲如存語近今則鬚眉可鑑讀者疑爲踵舊增華而不知其創也疑爲分曹開局而不知其專也疑爲積月累歲而不知其作於一時也

安陸縣志

卷一

吳序

疑括四庫以供網羅獵稗官以資參會而不知其謀諸劫灰之後取之腹笥而成於野獲也貫串郡故囊括列城使人歎其本末兼該頭訖備舉而不敢疑其侵且軼也顏之曰德安安陸郡縣志不亦冠乎後之吏茲土者披志而洞登耗之情狀尋利病之根源講興革之事宜圖補救之實益陳方發冊直將比諸格人典型煥鼎運而俟輶軒稽方聞以遵王路吾知其無憾矣康熙丙午冬題於澹官公署

石片

通判王澤溢序夫郡邑何爲而有志也志山川也志田賦也志人才也志物土風俗也志山川則動人遊覽名勝之思焉志田賦則啓人考核則壤之慮焉志人才則一方之仁人孝子名流哲士庶幾其景而仰之志物土風俗則一方之陳詩納稼尙淳趨澆庶幾其敦而導之故志之在郡邑非徒訪故跡羅舊聞已也蓋將令生茲土者知所鑒觀法戒而蒞茲土者卽因之損益興除以裨益於民也卽固楚名區兵火之後郡邑志缺無傳邑宰高君於簿書之暇禮請茶庵

安陸縣志

卷一

王序

沈先生與之共相參訂終如其事書成予次第覽之而欣然有無窮之感也蓋觀俗聽謠國之大事故入其國其政可知也其敦可知也今郡尊高堂翁德政善教淪洽四訖郡邑之內百廢俱興而邑宰乃得從容稽古操翰吮毫肆力於文墨之間以克成盛事此予所覩而幸之爲人民安輯之一徵旣返而思之則又曠然生情也古之君子凡履一地至一隅莫不有觸物起興援古鏡今之想故觀郡邑之山川則必曰某山某水某某古人之所採而釣也觀郡邑之田賦則必曰田幾何賦幾何是古聖人交正之底蘊之

安陸縣志

卷一

王序

休養此民也觀郡邑之人才則必曰古生才之多其爲農者兵者家修者廷獻者誰振興之使之久而彌隆觀郡邑之物土風俗則又必曰古風土之美其爲儉者樸者睦嫻者任卹者誰引翼之使之進而加醇由斯意也則今日按圖披閱者宵僅耳目記述之務哉是則愚讀斯志之心也夫是則愚序斯志之心也夫康熙丙午季冬題於畏岩署